



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Na osnovu čl. 64. stav (1) i 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva/Tužiteljstva BiH d o n o s i

O D L U K U
o izboru najpovoljnijeg ponuđača

Član 1.
(Predmet odluke)

Ugovor o nabavci toner i ketridža, dodjeljuje se ponuđaču **Exclusive d.o.o. Zenica**.

Član 2.
(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu za dostavu ponuda.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Konkurentskom zahtjevu za dostavu ponuda.

Član 3.
(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-7-1-658-3-5/17 od 30.08.2017. godine. Primljena su četiri ponude ponuđača: R&S d.o.o. Sarajevo, ALF-om d.o.o. Banja Luka, Prima Prom d.o.o. Banja Luka i Exclusive d.o.o. Zenica.

Komisija za nabavke imenovana Odlukom broj: A-17/17 od 16.01.2017. godine i izmjenom Odluke o imenovanju Komisije za nabavke broj:A-17-1/17 od 21.09.2017. godine (u daljem tekstu: Komisija), izvršila je pregled i ocjenu ponuda (Zapisnik o pregledu i ocjeni ponuda i izvještaju o radu Komisije je u prilogu ove odluke) i utvrdila sljedeće:

- Ponuđači: R&S d.o.o. Sarajevo, Exclusive d.o.o. Zenica i Primaprom d.o.o. Banja Luka su napravili računске greške u svojim ponudama, te su im upućeni zahtjevi za prihvatanje računskih ispravki. Dana 03.10.2017. godine dostavljene su saglasnosti o ispravci računskih grešaka od strane ponuđača: Primaprom d.o.o. Banja Luka, R&S d.o.o. Sarajevo i Exclusive

d.o.o. Zenica. Navedene zahtjevi za ispravku računskih grešaka i saglasnosti za ispravku računskih grešaka su sastavni dio ovog zapisnika.

- U skladu sa članom 66. Zakona o javnim nabavkama i tačkom 5.8. Konkurentskog zahtjeva upućen je Zahtjev za obrazloženje cijene ponude koja se smatra neprirodno niskom ponuđaču R&S d.o.o. Sarajevo. Ponuđač je u predviđenom roku dostavio obrazloženje cijene ponude, navodeći da odustaje od ponude jer nije u mogućnosti ispoštovati ponuđene cijene, zbog pogrešnih cijena od strane njihovog dobavljača.
- Imajući u vidu navedeno predsjednik Komisije formuliše prijedlog odluke i isti daje na glasanje: „Komisija konstatuje da iz izjašnjenja ponuđača proizilazi da ponuda koju je dostavio R&S d.o.o. Sarajevo, u sebi sadrži neprirodno nisku cijenu, te se ista u skladu sa odredbom člana 66. stav 1 Zakona o javnim nabavkama odbacuje“.
- Ponuda ponuđača Primaprom d.o.o. Banja Luka uživa preferencijalni tretman domaćeg obzirom da je ponuđač dostavio original potvrdu Vanjskotrgovinske komore Bosne i Hercegovine kojom dokazuje da zadovoljava uslove za primjenu preferencijalnog tretmana domaćeg, a sve u skladu sa tačkom 4.3. Konkurentskog zahtjeva i Odlukom o obaveznoj primjeni preferencijalnog tretmana domaćeg („Službeni glasnik BiH“ BROJ: 83/16).

Komisija je konstatovala da je ponuđač **Exclusive d.o.o. Zenica** ponudio najnižu cijenu tehnički zadovoljavajuće ponude.

Shodno navedenom, Komisija je uputila preporuku v.d. glavnog tužioca Tužilaštva-Tužiteljstva BiH za izbor najpovoljnijeg ponuđača.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva/Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: A-236/17

Datum: 16.10.2017. godine

Dostavljeno:

- Ponuđačima,
- Odjelu za materijalno-finansijske poslove.

